

Bosna i Hercegovina  
Federacija Bosne i Hercegovine  
**SKUPŠTINA KANTONA  
SARAJEVO**



Босна и Херцеговина  
Федерација Босне и Херцеговине  
**СКУПШТИНА КАНТОНА  
САРАЈЕВО**

Bosnia and Herzegovina  
Federation of Bosnia and Herzegovina  
**CANTON SARAJEVO  
ASSEMBLY**

Nezavisni odbor  
Broj:01-05-122-18/19  
Sarajevo, 01.08.2019. godine

SKUPŠTINA KANTONA SARAJEVO

O V D J E

PREDMET: Izvještaj o radu Policijskog komesara za period april-juni 2019.godine- dostavlja se

Nezavisni odbor na sjednici održanoj dana 01.08.2019. godine razmatrao je Izvještaj o radu Policijskog komesara za period april-juni 2019.godine, a u skladu s članom 45. stav 3. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16), isti dostavlja Skupštini Kantona Sarajevo, kao informativni materijal.

PREDSJEDNIK

Miroslav Kružik



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax:+ 387 (0) 33 562-210  
Sarajevo, Reisa Džemaludina Čauševića 1



**IZVJEŠTAJ**  
o radu Policijskog komesara za period april – juni 2019. godine

Sarajevo, august 2019. godine



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



Na osnovu odredaba člana 45. stav (5) Zakona o unutrašnjim poslovima Kantona Sarajevo („Službene novine Kantona Sarajevo“, br.: 1/16 i 26/19) i člana 8. tačka 9) Poslovnika o radu Nezavisnog odbora ("Službene novine Kantona Sarajevo", broj: 23/16), Nezavisni odbor Skupštini Kantona Sarajevo dostavlja

## **IZVJEŠTAJ** **o radu policijskog komesara za period april – juni 2019. godine**

Vlada Kantona Sarajevo je na 13. sjednici održanoj dana 29.03.2019. godine, na prijedlog Nezavisnog odbora Skupštine Kantona Sarajevo, donijela Odluku o smjeni policijskog komesara Halilović Mevludina i istovremeno Rješenjem broj: 02-05-13232-12/19 od 29.03.2019. godine odredila Bašić Milorada, Načelnika sektora kriminalističke policije za obavljanjanje dužnosti policijskog komesara.

Na osnovu dostavljenog Izvještaja o radu policijskog komesara za period april - juni 2019. godine, Bašić Milorad (u daljem tekstu: vd policijskog komesara) preduzeo je sljedeće mjere i radnje:

**I** Predstavljao Upravu policije neposrednim učešćem i angažmanom na različitim sastancima policijskih agencija, tužilaštva i drugih institucija, usmenom i elektronskom komunikacijom sa vladinim i nevladinim organizacijama te medijima.

Isti je prisustvovao mnogobrojnim sastancima sa predstavnicima: EU i ICITAP-a, koordinacionog tijela u Ministarstvu sigurnosti Bosne i Hercegovine (pitanje migranata), OSCE-a, tužiocima Kantonalnog tužilaštva Kantona Sarajevo, EUFOR-a, Poreznom upravom FBiH, FUP - policijska akademija (tema obuka kadeta primljenih u MUP KS), Američkog univerziteta u Sarajevu, Službom za poslove sa strancima, UNDP-om i sl.

**II** Neposredno ili putem Odjeljenja za odnose s javnošću vd policijskog komesara je informisao javnost o radu i aktivnostima Uprave policije. U tom smislu za vremenski period april - juni 2019. godine urađeno je sljedeće:

- poslato dnevnih obavijesti pisanim i elektronskim medijima	459
- poslato saopštenja za javnost	46
- održano press konferencija	2
- dato intervju za elektronske medije	86
- telefonski kontakti sa medijima	421
- zaprimljeno zahtjeva pisanih i elektronskih medija	161
- popraćene aktivnosti drugih službi	16
- poslato faksova	61
- kontakti sa drugim pres službama	7
- gostovanje u TV i radio emisijama u studiju	5

Najveći broj intervjuja koje je dao vd policijskog komesara, prema njegovom izvještaju, odnosi se na pitanja migranata.

Zvanična web stranica Ministarstva – Uprave policije se redovno ažurira, a informacije, foto i video sadržaji objavljuju se i na Twiter nalogu, You Tube kanalu i Instagramu profilu, kao službenim internet platformama. Službena web-stranica MUP-a KS je zabilježila 416.105 posjetu, a sadržaji koji su najčešće posjećivani su



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



bile: vijesti, saopćenja, potrage za licima, kampanje, savjeti građanima, građanska stanja, propisi – legislativa, preuzimanje obrazaca, te foto – video galerije.

Kako je navedeno u dostavljenom izvještaju vd policijskog komesara za period april - juni 2019. godine, borba protiv korupcije je i dalje prioritet rada Uprave policije te je dat akcenat na efikasan rad svih operativnih tijela i mehanizama u ovoj oblasti, a posebno na rad Odjeljenja za privredni kriminal u Sektoru kriminalističke policije koje je u izvještajnom periodu podnijelo 3 izvještaja o izvršenim koruptivnim krivičnim djelima protiv 6 lica.

Obzirom na aktuelnost problematike maloljetničke delikvencije i posebnosti postupanja sa maloljetnim žrtvama i izvršiocima kd stavljen je akcenat na licenciranje i edukaciju policijskih službenika zaduženih za rad sa maloljetnicima u skladu sa Zakonom o zaštiti i postupanju sa djecom i maloljetnicima u krivičnom postupku, te je s tim u vezi provedeno stručno usavršavanje licenciranih policijskih službenika, kao i svih drugih subjekata koji rade na poslovima prijestupništva mladih i krivično pravne zaštite djece (socijalni radnici, medijatori, advokati i radnici zaposleni u ustanovama i zavodima za izvršenje krivičnih sankcija). Uprava policije inicirala je nadogradnju SOTAC baze Ministarstva za rad, socijalnu politiku, raseljena lica i izbjeglice KS, u cilju uspješne primjene policijskog upozorenja i navedenog Zakona o zaštiti i postupanju sa djecom i maloljetnicima u krivičnom postupku. Od strane Uprave policije ponovo pokrenuta inicijativa za izradu baze podataka za maloljetnike na nivou FBiH (predmetna baza je neophodna za zakonitu primjenu mjere policijskog upozorenja prema maloljetnim prijestupnicima).

Akcenat rada je stavljen i na borbu protiv zloupoteba opojnih droga, te u tom pravcu vd policijskog komesara (prema dostavljenom izvještaju) je podsticao i pratio zakonitost rada Odjeljenja za borbu protiv zloupotrebe opojnih droga, koje je u izvještajnom periodu provelo 10 akcija kodnih naziva “DIZNI 2”, “MARE “, “DOLA”, “DERVCO”, “ŠELE”, “SRNA”, “DŽO”, “LETAK”, “TEHNO” i “BRKO” pri čemu je podnešeno 40 izvještaja o izvršenom krivična djela nadležnom tužilaštvu protiv 42 lica za koja postoje osnovi sumnje da su izvršili krivična djela iz oblasti narkomanije.

U aprilu mjesecu vd policijskog komesara je depešnim putem naložio mjere koje je potrebno kontinuirano preduzimati da bi se održalo povoljno stanje sigurnosti i to: provjere lica za koje je raspisana potraga ili potjernica, diferenciranje lica i grupa sklonih činjenju krivičnih dijela sa obilježjima nasilja i brutalnosti, animiranje kapaciteta rada policije u zajednici sa ciljem prikupljanja i provjere informacija, jačanje mehanizma saradnje sa institucijama, organizacijama i preduzećima na području mjesne nadležnosti, procjenu kapaciteta koji se mogu staviti u funkciju definisanog policijskog odgovora, pravovremenu razmjenu informacija sa Agencijama za provođenje Zakona, praćenja aktivnostima na društvenim mrežama i portalima, te organizaciju pozornice, patrolne djelatnosti i sektorskog rada, a rukovodiocima org. jedinica da izvrše analizu sigurnosne situacije na svojim područjima, donesu adekvatnu procjenu, i inoviraju postojeće planove rada, te usklade raspored službe sa procjenom sigurnosne situacije (navedena depeša nije dostavljena Nezavisnom odboru u navedenom periodu niti je Nezavisni odbor upoznat od strane vd-a policijskog komesara da je ista donesena).

Uprava policije u skladu sa svojom nadležnošću je u izvještajnom periodu preduzimala potrebne mjere i radnje na preveniranju i zakonskom procesuiranju osoba migrantske populacije koje su na Kantonu Sarajevo vršile protupravne radnje. S tim u vezi donešen je Plan preduzimanja odgovarajućih mjera i radnji iz nadležnosti Službe za poslove sa strancima i Uprave policije MUP-a KS, na sprečavanju i sankcionisanju svih oblika nezakonitog ponašanja migranata, smještaja i drugih aktivnosti u vezi sa migrantima na području Kantona Sarajevo kojim se planiraju mjere i radnje koje će ove dvije službe zajednički preduzimati s ciljem pokušaja spriječavanja i saniranja posljedica koje mogu nastupiti po građane Kantona Sarajevo usljed mogućeg povećanog priliva migranata na području Kantona Sarajevo. U vezi sa navedenom problematikom



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



formiran je i Operativni tim sačinjen od pripadnika uprave policije – policijskih službenika iz svih organizacionih jedinica Uprave policije, čiji je zadatak svakodnevno praćenje stanja na terenu i planiranje mjera s ciljem održavanja povoljne situacije na Kantonu, te je u tom smislu sačinjen i Operativni plan sprječavanja i sankcionisanja svih oblika nezakonitog ponašanja migranata, postupanja, smještaja i drugih aktivnosti u vezi sa migrantima na području Kantona Sarajevo po kojem će se postupati u budućem periodu (o navedenim aktivnostima Nezavisni odbor također nije upoznat od strane vd-a policijskog komesara).

S obzirom na upozorenja koja je vd policijskog komesara dobivao na sjednicama Komisije za sigurnost, u smislu da policijski službenici vozeći se u službenim vozilima ne koriste pojas u toku vožnje, odnosno upotrebljavaju mobilne telefone, na teren je poslana depeša instruktivnog, odnosno obavezujućeg karaktera, upozorivši policijske službenike na navedene činjenice, te je izdata naredba Jedinici za profesionalne standarde da izvrše nadzor nad provođenjem naloženih mjera, te preduzmu mjere i radnje propisane Pravilnikom o izgledu, obilježavanju, registraciji i korištenju vozila uprave policije broj: 02-370 od 17.10.2017. godine.

Vd policijskog komesara je koordinirao rad predstavnika radne grupe za donošenje prijedloga izmjena i dopuna Zakona o unutrašnjim poslovima Kantona Sarajevo, Zakona o policijskim službenicima Kantona Sarajevo i Zakona o nabavljanju držanju i nošenju oružja i municije.

Vd policijskog komesara je donosio i odluke koje se odnose na Rješenja iz radno pravnog statusa (Rješenje o stupanju na rad – 1, Rješenje o uspostavi radnog odnosa po mjeri osiguranja – 1, Rješenje o prestanku radnog odnosa – ). Ukupno je doneseno - Rješenja o radno – pravnom statusu – 311, Rješenja o upotrebi pečata – 4, Dodatku na plaću na izvanredne rezultate rada – 5, novčanoj pomoći za slučaj smrti ili teške bolesti – 30, o uvođenju prekovremenog rada – 20 i dr.), 1 Rješenje o suspenziji, 2 Rješenja o izricanju disciplinske sankcije, za izricanje presude za lakšu povredu službene dužnosti (za 9 policijskih službenika) i 26 diciplnskih Rješenja za brisanje disciplinske kazne. Također, isti je donio Rješenje o formiranju disciplinske komisije za policijske službenike koja radi u punom kapacitetu. te delegirao predstavnike Komisija formiranih od strane ministra unutrašnjih poslova KS npr. Komisija za pripremu i prodaju vozila po odluci Vlade KS.

U toku je više postupaka javnih nabavki i to: 10 otvorenih postupaka, 1 konkurentski zahtjev i 3 direktna sporazuma.

Vd policijskog komesara je pratio realizaciju Plana i programa stručnog usavršavanja policijskih službenika Ministarstva unutrašnjih poslova Kantona Sarajevo za 2019. godinu, kao i Plana i programa stručnog osposobljavanja usavršavanja i obrazovanja državnih službenika i namještenika MUP-a KS za 2019. godinu. Na osnovu posljednjeg donešenog Plana i programa stručnog usavršavanja policijskih službenika Uprave policije za 2019. godinu, br. 02/1-2-43/19 od 04.03.2019. godine u izvještajnom periodu Odjeljenje za edukaciju Ureda policijskog komesara je evidentiralo da je kroz planirane aktivnosti interne i eksterne edukacije, ukupno prošlo 2.435 policijskih službenika Uprave policije.

**III** Na sjednici Nezavisnog odbora održanoj 16.04.2019. godine vd-u policijskog komesara postavljeno je pitanje od strane članova Nezavisnog odbora vezano za njegovo zdravstveno stanje i mogućnost da isti ode na bolovanje duži vremenski period. Vd policijskog komesara je odgovorio da bi ga u slučaju njegovog odsustva trebao mijenjati načelnik Sektora uniformisane policije. Također je razmišljao da načelnici svih policijskih uprava (pet dana koliko je planirao odsustvo) prate i signiraju poštu, jer se neće ništa dogoditi za tih pet dana. Razmišljao je da ovlasti nekoga za slučaj hitnih situacija, i to načelnika Sektora za podršku. Nezavisni odbor je upozorio g-dina Bašića da je rješenjem Vlade Kantona Sarajevo preuzeo ogroman teret, te da je neozbiljno s njegove strane da ne imenuje svog zamjenika, neozbiljno je da UP nema rukovodećeg



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



policijskog službenika u njegovom odsustvu. Svakako da svi razumiju da je zdravlje na prvom mjestu i da postoji potreba za medicinskim pretragama (i mogućeg višemjesečnog bolovanja) ali je on istovremeno neko ko ima prava, obaveze i odgovornosti policijskog komesara i kao takav je dužan da imenuje svog zamjenika. Osim toga, i bivši policijski komesar Mevludin Halilović je neposredno prije svoje smjene razmjestio policijske službenike te smatra da bi i g-din Bašić kao vd policijskog komesara trebao da uradi isto. Naime, sve negativno (u sigurnosnom smislu) što se desi u odsustvu onoga koji ima prava i obaveze policijskog komesara je isključivo njegova odgovornost. To iz prostog razloga jer isti ne koristi svoje zakonske mogućnosti i da istinski želi, g-din Bašić tu situaciju može riješiti. Osim navedenog, Nezavisni odbor nije siguran koliko će g-din Bašić obnašati ovu funkciju koja mu je povjerena jer ne može sa sigurnosti reći kada će biti izabran novi policijski komesar. Trenutno traje sudski postupak po tužbi bivšeg policijskog komesara i isti je tražio da ga sud privremenom mjerom vrati na mjesto policijskog komesara. Nezavisni odbor nije siguran koliko će vremena biti potrebno da sud odluči po navedenom zahtjevu bivšeg komesara. Osim toga, još uvijek nije imenovan sedmi član Nezavisnog odbora, te zbog naprijed navedenih okolnosti neizvjesno je kada će novi policijski komesar biti imenovan. ***Vd policijskog komesara je istakao kako u ovom trenutku nije spreman da vrši bilo kakva premještanja unutar Uprave policije.***

Na naprijed navedenoj sjednici Nezavisnog odbora razmatrane su dvije anonimne predstavke koje su dostavljene Nezavisnom odboru, a koje se odnose na postupanja policijskih službenika ispred Vlade Kantona Sarajevo te razne prepiske na facebook-u u grupi podrška komesaru. U vezi sa naprijed navedenim postavljeno je pitanje vd policijskom komesaru. Isti je odgovorio da je unutrašnjoj kontroli prosljeđena jedna anonimna prijava u vezi peticije i okupljanja policijskih službenika ispred zgrade Vlade Kantona Sarajevo. Odbor za žalbe je donio odluku da se provede istraga. Trenutno se čeka odgovor tužilaštva jer će onda u slučaju krivičnog postupka unutrašnja kontrola prekinuti postupak do okončanja krivičnog postupka. ***Vd policijskog komesara je istakao da on nema podatke o bilo kakvoj grupi podrške bivšem policijskom komesaru koja je organizovana putem društve mreže facebook.*** Ukoliko Nezavisni odbor ima dokumentaciju, ista će biti prosljeđena Jedinici za profesionalne standarde.

Na sjednici Nezavisnog odbora održanoj 21.05.2019. godine komentarišući dostavljeni Plan Uprave policije MUP-a Kantona Sarajevo o postupanju policijskih službenika u kriznim i vanrednim situacijama, a za koji je Nezavisni odbor saznao od vd-a policijskog komesara na pethodnoj sjednici (u smislu da je donesen novi Plan), Nezavisni odbor je istakao da je ovaj novi plan identičan predhodnom, osim u dijelu koji se odnosi na ulogu policijskog komesara, jer prema odredbama novog Plana policijski komesar nema nikakvu ulogu niti odgovornost. Niti u jednom slučaju do sada nije formiran krizni štab u situacijama koje su zahtjevale formiranje, primjer su predmeti „Dženan Memić“ i „Edin Gačić“. U tom smislu, postavljeno je pitanje vd-u policijskog komesara da li smatra da jedan ovakav događaj u predmetu „Gačić“ u Kantonu Sarajevo zahtjeva formiranje kriznog štaba ili ne. Članovi Nezavisnog odbora smatraju da je sigurnosna procjena u ovom slučaju potpuno zakazala. ***Vd policijskog komesara je odgovorio da on također ne bi formirao krizni štab u predmetu „Edin Gačić“,*** obzirom da je već bio formiran štab u vezi sa održavanjem sportske manifestacije Evropski festival za mlade („EYOF“). Istakao je da je Federalni MUP formirao krizni štab na nivou Federacije i jedan predstavnik MUP-a Kantona Sarajevo je bio član tog štaba. Nezavisni odbor je podsjetio vd-a policijskog komesara da su policijskim službenicima Kantona Sarajevo pomoć u hvatanju ubice Gačića pomogli policijski službenici iz drugih kantona. Osim toga, stanovnici Hadžića su se morali samoorganizirati, ljudi su danima stražarili ispred sopstvenih domova, djecu nisu slali u škole, te Nezavisni odbor smatra da se sigurnosna situacija u potpunosti pogrešno procjenila i da se u istom morao formirati krizni štab.

Na navedenoj sjednici, također, vd-u policijskog komesara postavljeno je pitanje vezano za odlazak u starosnu penziju (penzionisanje) policijskih službenika, u smislu da li se provode neke aktivnosti od strane Uprave policije u tom smislu. Vd policijskog komesara je odgovorio da veliki broj policijskih službenika



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1



nema uplaćen ratni staž što stvara velike probleme. Istaknuto je da bi u slučaju uplate tog staža 70% policijskih službenika otišlo u penziju. Također, postoje tvrdnje prema kojima MUP KS nije pravni sljedbenik ranijeg CSB-a te samim tim MUP KS nije dužan niti mora da uplati doprinose za vrijeme rata (april 1992.-decembar 1996.). Te godine ratnog staža su upisane u radne knjižice ali za iste nisu uplaćeni doprinosi. Na navedenu konstataciju, Nezavisni odbor je istakao kako smatra da ne bi bila smetnja da onaj ko želi da ide u penziju da mu se ti doprinosi uplate ali u svakom slučaju članovi Nezavisnog odbora smatraju kako bi Uprava policije trebala da pošalje upit Federalnom ministarstvu rada i socijalne politike kako bi se navedena situacija riješila. *(Do dana sačinjavanja ovog izvještaja Nezavisni odbor nije informisan o eventualno poduzetim aktivnostima vd-a policijskog komesara po ovom pitanju).*

## PREDSJEDNIK NEZAVISNOG ODBORA

Miroslav Kružik



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-044,  
Fax: + 387 (0) 33 562-210  
Sarajevo, Reisa Džemaludina Čauševića 1

